

A I R E A M H.

eadhon gu leth-cheud bliadhna dh'aois, gach neach a théid a steach do'n armait, a dheanamh na h-oibre ann am pàillion a' choi'-thionail.

4 So an t-feirbhis a bhios aig mic Chohait ann am pàillion a' choi'-thionail *mu thimchioll* nan nìthe ro-naomha.

5 Agus an uair a bhios an campa gu dol air aghaidh^a, thig Aaron agus a mhic, agus bheir iad a nuas brat a' còmhdaich, agus còmhdaichidh iad àire na fianuis leis.

6 Agus cuiridh iad oirre an còmhdachadh do chroicnibh bhroc, agus sgaoilidh iad os a ceann eudach uile do ghorm, agus cuiridh iad a bataichean innte.

7 Agus air bord arain na fianuis sgaoilidh iad eudach do ghorm, agus cuiridh iad air na riasan^b, agus na tùifeirean^c agus na copain^d, agus na cuachan leis an d'hoirear feachad tabhartas-dìbhe^e: agus bithidh an t-aran 'an còmhnuidh air.

8 Agus sgaoilidh iad orra eudach scarlaid, agus còmhdaichidh iad sin le còmhdachadh do chroicnibh bhroc, agus cuiridh iad a bhataichean ann.

9 Agus gabhaidh iad eudach do ghorm, agus còmhdaichidh iad coinneir an t-soluis, agus a lòchrain, agus a chlobhachan^f, agus a smàl-shoithichean, agus a shoithichean-olaidh uile, leis am fritheil iad da.

10 Agus cuiridh iad e *fèin* agus a shoithichean uile ann an còmhdachadh do chroicnibh bhroc, agus cuiridh iad air lunn e.

11 Agus air an altair òir sgaoilidh iad eudach do ghorm, agus còmhdaichidh iad i le còmhdachadh do chroicnibh bhroc, agus cuiridh iad *ria* a bataichean.

12 Agus gabhaidh iad na h-innill frithealaidh uile, leis am fritheil iad 'san ionad naomha, agus cuiridh iad ann an eudach do ghorm *iad*, agus còmhdaichidh iad le còmhdachadh do chroicnibh bhroc *iad*, agus cuiridh iad air lunn *iad*.

13 Agus bheir iad air falbh an luath o'n altair, agus sgaoilidh iad eudach corcuir^g oirre;

14 Agus cuiridh iad oirre a foithichean uile, leis am fritheil iad m'a timchioll, *eadhon* na tùifeirean^h, na greimichean-seòla, agus na sluataidean, agus na cuachanⁱ, foithichean na h-altarach uile; agus sgaoilidh iad oirre còmhdachadh do chroicnibh bhroc, agus cuiridh iad *ria* a bataichean.

15 Agus crìochnaichidh Aaron agus a mhic còmhdachadh an ionaid naomha, agus uile shoithichean an ionaid naomha, 'nuair a bhios an campa gu dol air aghaidh; agus 'an dèigh sin thig mic Chohait g'an giùlan: ach cha bhean iad re nì naomha *sam bith*, an t-eagal gu'm bàsaich iad, *Is iad na nìthe* sin eallachmhac Chohait ann am pàillion a' choi'-thionail.

16 Agus do dhreuchd Eleasair mhic Aaroin an t-sagairt, *buinidh* an ola chum an t-soluis, agus an tùis chùbhraidh, agus an tabhartas-bàdh lathail, agus an oladh-ungaidh, agus curam